

9(91.57)  
Ա-78

Ս. ԱՎԴԱՆ

ԱՐՑԱՆ ՎՐԻՃԱՌՈՒԹՅՈՒՆԸ ՔՐԴԵՐԻ ՄԵՋ  
ԵՎ ՆՐԱ ՄՆԱՑՈՐԴՆԵՐԻ ՎԵՐԱՑՈՒՄԸ  
ՍՈՎԵՏԱԿԱՆ ՊԱՅՄԱՆՆԵՐՈՒՄ

Առանձնատիպ Հայկական ՍՍՌ Գիտությունների  
ակադեմիայի Պետական պատմական  
բանգարանի «Աշխատություններից»,  
հատոր IV, 1952 թ.

ՀԱՅԿԱԿԱՆ ՍՍՌ ԳԱ ՀՐԱՏԱՐԱԿՉՈՒԹՅՈՒՆ

ԵՐԵՎԱՆ

1952

ԱՄՐՆԵ ԱՎԳԱՆ

ԱՐՅԱՆ ՎՐԻԺԱՌՈՒԹՅՈՒՆԸ ՔՐԳԵՐԻ ՄԵՋ ԵՎ ՆՐԱ  
ՎԵՐԱՊՐՈՒԿՆԵՐԻ ՎԵՐԱՑՈՒՄԸ ՍՈՎԵՏԱԿԱՆ ՊԱՅՄԱՆՆԵՐՈՒՄ

1. Արյան վրիժառույթյան սովորությունը քրդերի մեջ

Արյան վրիժառույթյունը հասարակական փոխհարաբերության երևույթներից մեկն է, որն ազերսվում է սեփականատիրության հետ:


Տոհմային հասարակության մեջ, արտադրական ուժերի վար-  
դացման հետևանքով ստեղծվում են հավելյալ մթերքներ: Գո-  
յություն համար մղված պայքարում այդ մթերքները հափշտակե-  
լու նպատակով տոհմերը հարձակվում էին միմյանց վրա: Այստե-  
ղից էլ ծագել է վրեժխնդրությունը: Այս երևույթն ավելի ցայտուն  
է դառնում դասակարգային հասարակության մեջ, երբ ուժեղանում  
է մասնավոր սեփականությունը և տիրող դասակարգի ձեռքում  
դառնում է ձեռման ու շահագործման միջոց:

Վրիժառույթյունը հասարակական ընդհանուր երևույթ է եղել  
տոհմերի և ցեղերի համար. վերջիններիս անդամների համար դա  
համարվել է իրավունք և պարտականություն:

Քրդերի մեջ ևս տոհմի անդամն իր տոհմակիցների հետ, կամ  
ինրն անձամբ պարտավոր էր իր տուժած ցեղակցի արյան վրեժը  
լուծել. դա համարվում էր նրա սրբազան պարտականությունը:

Այժմ էլ ՍՍՌՄ-ից դուրս ապրող քրդական շատ ցեղերի մեջ  
վրիժառույթյունը համարվում է հատուցման զլխավոր միջոց և  
փոխարինում է պետական դատական ատյանին:

Խուճ պեշ խունեվա, արյան փոխարեն արյուն, այդ էր հիմ-  
նական նշանաբանը, որովհետև ցեղի անդամի սպանության հե-  
տևանքով նվազում էր նրա տնտեսական և ռազմական ուժը, նույն  
չափով էլ, եթե շասենք ավելի, պետք էր պակասեցնել թշնամի  
ցեղի տնտեսական և ռազմական ուժը:



Քրդական ցեղերի սովորութային իրավունքը ոչ մի տեղ գրավոր ձևով չի ձևակերպվել, այլ սերնդի-սերունդ անցել է բանավոր կերպով, որի հիման վրա դաստիարակվել են տոհմի նոր սերունդները:

\* \* \*

Քրդերին վերաբերող ազգագրական և ֆոլկլորային բազմաթիվ նյութերը վիճում են այն մասին, որ քրդերի մեջ արյան վրիժա-տուլյունը դարեր շարունակ համարվել է ոչ թե վրիժառուի ցանկուլյունը բավարարող ինչ-որ անհատական ձգտում, այլ վրիժառուի և նրա ցեղակիցների պարտքը:

Արյան վրիժառուլյունը երբեմն կարող էր անհատական մատնվել, կամ ձախողվել. այդպիսի դեպքերում հատուցման պարտականուլյունը ընկնում էր ցեղակից պատամի (բարեկամի, մոտիկ մարդկանց) վրա:

Նախառելուցիտն շրջանում Անդրկովկասում ապրող քրդերի մեջ վրիժառուները լինում էին միայն տուժողի հոր կողմի ցեղակիցները. մոր կողմի ցեղակիցների համար որդիները պարտական չէին վրեժ լուծել թշնամուց: Կնոջ արնակիցների վրեժը պարտավոր էին լուծել նրա հորենական գծով ցեղակիցները: Բայց դա դեռ չի նշանակում, որ վրիժառուլյունը միշտ էլ եղել է միայն հորենական գծով. ընդհակառակը, հնագիտական, ազգագրական և ֆոլկլորային բազմաթիվ նյութեր կան, որոնց մեջ ցատուն կերպով արտահայտված է մայր իշխանության հետքերը վրիժառուլյան գործում. օրինակ՝ քրդական «Դավրեջ» կոչվող հեքիաթի մեջ վրեժն առնվում է կնոջ ձեռքով, կամ նրա թելադրանքով. հեքիաթի հերոս Դավրեջը դաշտա Սընջարէ (Մնջարի դաշտավայրում) քեռու աղջկա վրեժը լուծում է հսկաներից՝ մոր հրամանով. նրա հոր անունը հեքիաթում չի հիշատակվում:

Քրդերի սովորութային համաձայն սպանվածը հանգիստ չի առնում իր գերեզմանում, քանի դեռ նրա վրեժը չի լուծվել սպանողից կամ նրա մոտիկ ազգականից:

Արյան վրեժի սովորուլյուն աչքի է ընկնում Իրանի, Սիրիայի և Իրաքի քրդական Ջալալիա, Հայդարա, Գուրանիա, Մամկա, Ռամուշա, Շեխբզնիա և այլ ցեղերի մեջ, որոնք իրենց վրեժը լուծելու նպատակով երդվում են խողայով (աստծով), Մահմեդի և Նվզու անուններով, որ երբեք հաշտուլյուն չեն կայացնի թշնամու հետ, մինչև արյան վրեժն արյամբ չլուծվի:

Արտասահմանում Գուրանիա ցեղի մեջ մինչև այսօր էլ սովորուլյուն կա խմել սպանված թշնամու արյունից թեկուզ մի կաթիլ:

Այստեղ տեսնում ենք ժողովուրդների հնադարյան այն հավատալիքը, որ սպանվածի արյունն ունի մոգական ուժ: Խմելով թշնամու արյունը, որպես թե ընդունում է նրա ամբողջ ուժն ու եռանդը: Այն հասկացողուլյունը կար, թե վրեժը լուծելով, սպանողը կարող է ազատվել մեռածի հալածանքներից:

Հնում քրդական ցեղերը կամ բարեբը (տոհմերը) գործում էին իրենց ցեղապետների՝ բարապետների գլխավորութամբ, մեծ մասամբ առանց դատարանների և պետական կառավարչական ձևերի: Յեղամիջյան, ընտանեկան ամեն մի վեժ ու կռիվ կարգավորվում էր ցեղի կամ բարի ընդհանուր ժողովի կողմից:

Բարն ուներ իր խորհուրդը, որին պարտավոր էին ենթարկվել բարի բոլոր մարդիկ: Յեղի բոլոր հասակավոր մարդիկ, այդ թվում պառավ կանայք կարող էին մասնակցել խորհրդի նիստին, որտեղ քննվում էին գլխավորապես հողի, ջրի, արտավայրերի, վրիժառուլյան, զալանի և հափշտակումների վերաբերյալ գործեր, բայց խորհրդում վճռական դեր էր խաղում բարապետի խոսքը:

Այս խորհուրդը բավական նման էր իրոկեզյան տոհմերի խորհրդին, որոնց մասին մանրամասն խոսում է Ֆրիդրիխ Էնգելն իր «Ընտանիքի, մասնավոր սեփականութայն և պետութայն ծագումը» աշխատութայն մեջ: Նա ասում է.

«Տոհմն ունի խորհուրդ, բոլոր արական և իգական հասակավոր տոհմակիցների ղեմնկրատական ժողովը, որի մեջ բոլոր մասնակցողները ձայնի հավասար իրավունք են վայելում: Այս խորհուրդն էր ընտրում սախեմներին, ռազմական առաջնորդներին և հրաժարեցնում նրանց, նմանապես և մյուս «հավատի պաշտպաններին»: Նա էր որոշում սպանված տոհմակիցների արյան գինը, (Wergeld) կամ արյան վրեժն առնելու հարցը. նա էր օտարներին տոհմի մեջ ընդունում: Մի խոսքով՝ նա զերագույն իշխանութայն էր տոհմի մեջ»<sup>1</sup>:

Արյան վրեժը բնորոշելու համար կարևոր է նշել, թե քրդերի մեջ ի՞նչով են արտահայտվել արենակցական կապերը:

Այսպես, հայրն իր եղբոր և քրոջ որդիներին՝ առվազ (զավակներ) է անվանում. զավակները մորեղբորն անվանում են

<sup>1</sup> Ֆ. Էնգելս, Ընտանիքի, մասնավոր սեփականութայն և պետութայն ծագումը, Երևան, 1948, էջ 116:

խալո (քեոխ), հորեղբորը՝ ապո, հորեղբոր տղաներին՝ կոռապ, աղջիկներին՝ դիգապ, քեոու տղաներին՝ կոռխալ, աղջիկներին՝ դիգալ, մորաբորոջը՝ խաախ, վերջինիս տղաներին՝ կոռխաախ, աղջկան՝ դիգխաախ, ցեղակցին՝ պսմամ, եղբայրացած ընկերոջը՝ դաստաբրակ:

Քրդական ցեղի անդամներն իրենց ցեղի աղջկան անվանում են կնեզ<sup>1</sup>: Այսպես են անվանում ոչ միայն միևնույն ծնողների, այլև ամբողջ ցեղի աղջիկներին: Սակայն այս բառը հասարակական նոր հարաբերություններում ստացել է նոր բովանդակություն: Այժմ կնեզ ասելով մեծ մասամբ հասկացվում է լավ կին, ինչպես նաև աշխատասեր և համեստ աղջիկ, անկախ նրա ցեղական կամ արենակցական կապերից:

Այս բառերը քրդերենում ոչ միայն միմյանց ազգակցությունը արտահայտելու համար են գործածվում, այլև զրանցով նշվում են ցեղակիցների և արենակիցների միմյանց հանդեպ ունեցած պարտավորությունները: Սրանք գոյություն ունեցող հասկացություններ են, մոտիկության, հեռավորության, մի խոսքով արենակցական կապերի մասին, որոնք դարերի ընթացքում, ըստ սովորութային իրավունք, սխտեմ են դարձել ցեղակիցների կապերը ցույց տալու համար:

Արենակցական այս կապերը ստացել են կրոնական գունավորում: Արյան վրեժը լուծելուց անմիջապես առաջ, քրդերը սովորաբար դիմում են իրենց աստծուն, ասելով. խոդե ալի բրա, պսմամա բրկա, ուակի աուանա ալրկըն (խոդե, օգնի եղբայրներին, ցեղակիցներին, որ նրանք հաղթող լինեն): Այդ նշանակում է, առանց աստծո օգնության դժվար էր վրեժ լուծել թշնամուց:

Հին գերման, սլավոն ու կովկասյան բազմաթիվ ժողովուրդների՝ շեչենների, լեզգիների, աբխազների, սվանների, օսերի, ինչպես նաև քրդերի մեջ արյան վրիժառույթները շղարշված է եղել կրոնական հավատալիքներով: Կրոնական այդ հայացքները կապված են նախնիների կուլտի հետ:

Եզդի քրդերն իրենց վրեժը լուծելու համար աղոթում էին Մալաբետաուսին:

2. Արյան վրիժառույթյան շարժառիթները և նրանց վերաբերյալ պատմական, ազգագրական և ֆոլկլորային նյութեր

Արյան վրիժառույթունն առաջացել է՝ 1. Սեփականություն (հողամասեր, արտավայրեր) և այլ ունեցվածք ձեռք բերելու շուրջն առաջացած պայքարից: 2. Խանդի հողի վրա: 3. Բռնության դեմ առաջ եկած ատելությունից: 4. Անձնական պատվի համար:

Ինչպես գիտենք, նախկինում վարելահողերի լավագույն մասը գյուղում գտնվում էր աղաների, բեկերի և մյուս հարուստների ձեռքում:

Երկրագործությամբ զբաղվող աղաներն ու բեկերը յուրացնում էին գյուղի ջրովի<sup>2</sup> և լավ հողերը, իսկ ջրավոր քրդի արտերը մնում էին անջրդի: Չբավոր քուրդը մեծ մասամբ աշխատում էր աղայի հողամասում և պահում էր նրա հոտերը, դիմացը ստանալով շնչին հատուցում. ուստի քրդերի մեծամասնությունը աղբատանում, քայքայվում էր, իսկ փոքրամասնությունն անվերջ հարստանում: Տնտեսական այդ պայքարն առաջ էր բերում հակամարտություն և վրեժի շարժառիթ էր դառնում:

Բացի այդ, միմյանցից բաժանվող գերդաստանի անդամների միջև ևս պայքար էր առաջ գալիս սեփականության շուրջն առաջացող վեճերի հետևանքով:

Բաժանվելիս, ըստ սովորութային իրավունքի, սեփականության լավագույն մասը պետք է հասներ ավագ եղբորը. մյուս մասը բաժանվում էր հավասարապես մյուս եղբայրների միջև, իսկ երբ կրտսեր եղբայրներն աշխատում էին այդ կարգը խախտել, առաջանում էր կոխիլ:

Առանձնապես մեծ կոխիլներ էին տեղի ունենում արտավայրեր ձեռք բերելու համար, գլխավորապես տարբեր ցեղերի միջև. հաղթողը (այստեղ մեծ տեղ էր գրավում նաև կաշառքը) տիրում էր իր ցանկացած արոտավայրերին, հակառակորդները դիմադրում էին. այդ պատճառով երբեմն առաջ էր գալիս մարդասպանություն:

«Քուշելով (անցնելով) սահմանը, — ասում է Վասիլիովը, — և ընտրելով հարմար արոտավայրեր, Պարսկաստանի քրդերն անցնում են թյուրքերի սահմանը, Թյուրքիայի քրդերը նրանց չեն թողնում, այդ պատճառով նրանց մեջ տեղի են ունենում զինված ընդհարումներ. ուստի այդ ընդհարումների հետևանքով սկսվում է թշնամություն՝ առաջ բերելով արյան վրիժառույթուն»<sup>1</sup>:

<sup>1</sup> Отчет о поездке по губерна́торства́м западной Персии, Тифлис, 1903, стр.43.

<sup>1</sup> կնեզ — պարսկերեն է՝ նշանակում է աղջիկ, տոհմի ցեղի արևնակից կին:

Արտատվայրեր ձեռք բերելու նպատակով մի պետութեան սահմանից մյուսն անցնելն այնքան էլ հեշտ չէր լինում քրդի համար, որովհետև այնտեղ էլ նա այդ արտատվայրերը նվաճելու էր տեղական քրդերից:

Արթիկի շրջանի Քարվանսարա գյուղի բնակիչ Հուտո Հաջոյանը պատմում է, որ Թալինի շրջանի Քալաշբեկ գյուղում ապրող քրդական նույն ցեղին պատկանող կուլակ Շամսեն կաշառքով տիրել էր իր ցեղակից չքավոր Հսեի հողերին: Հսեն դիմել էր գյուղի րիսպիին (քոխվային) և ապա վերադաս մարմիններին, բայց բան դուրս չէր եկել: Հսեն հունձի ժամանակ դաշույնի հարվածով սպանել էր Շամսեին և դրանով վրեժխնդիր եղել:

Հնում նման դեպքերի թիվը քիչ չէր: Հող, ջուր ու արտատվայրեր ձեռք բերելու համար տեղի ունեցած ցեղամիջյան և ներցեղային կոռիվներում սպանվում էին մեծ թվով մարդիկ:

Արշան վրիժառույթունը քրդերի մեջ բոլոր դեպքերում չէր, որ արտահայտվում էր միայն սպանութեամբ, այլ հաճախ ի հայտ էր գալիս նաև մի շարք ուրիշ միջոցներով. երբեմն թշնամի կոշմերը աշխատում էին միմյանց նաև նյութական վնաս հասցնել՝ գողանալ ունեցվածքը, այրել խոտի դեղերը, դալախը (աթարի կուլտը), թունավորել անասունները և այլն:

Հաճախ արշան վրիժառույթյան աղբյուր էին հանդիսանում նաև քրդուհուն ամուսնացնելու ժամանակ զալանի համար առաջ եկած վեճերն ու անհամաձայնությունները, որոնք երբեմն պատճառ էին դառնում առևանգման:

Քուրդ երիտասարդն իր սիրած աղջկան կամ կնոջն առևձանգելուց հետո պետք է կրկնակի զալան վճարեր, եթե այդ բանին համաձայն էին աղջկա ծնողները կամ կնոջ նախկին ամուսինը, իսկ եթե զալանը կրկնակի չէր վճարվում և հանդիսավոր կերպով հաշտություն չէր կայանում, այդ դեպքում երկու կողմերի միջև առաջ էր գալիս թշնամություն, որի հետևանքով ամբողջ ցեղեր (աղջկա և տղայի արնակիցները) ընդհարվում էին միմյանց հետ, սպանվում էին տասնյակ, նույնիսկ հարյուրավոր մարդիկ:

Տոհմային հասարակության մեջ, կին առևանգող տղամարդու ընկերները, ըստ սովորութային իրավունքի, հերթով կենակցում էին առևանգված կնոջ հետ և ապա նրան հանձնում բուն առևանգողին. այս սովորության հետքերն այժմ տեսնում ենք Իրանում ապրող «Փուրանի» քրդական ցեղի մեջ, որտեղ առևանգողներն առևանգված կնոջ հերթով տանում են իրենց աները և վերջում

հանձնում նրան՝ ում համար առևանգել են, բայց իրենք այս դեպքում չեն կենակցում կնոջ հետ: Առևանգողների այդ խումբը քրդերեն լեզվով կոչվում է հավալտի (բնկերություն):

Քրդերի մեջ առևանգման երևույթը առաջ էր գալիս հիմնականում հետևյալ շարժառիթներից:

1. Երբ փեսան չքավոր էր և գլխագինը չէր կարողանում վճարել:

2. Երբ հակառակ աղջկա կամքին, ծնողներն ուզում էին նրան ամուսնացնել մի տարիքավոր հարուստ մարդու հետ, որը մեծ գլխագին էր տալիս աղջկա համար: Նշանված աղջիկը շիրաժ մարդուց ազատվելու համար փախչում էր իր սիրած երիտասարդի հետ: Աղջկա նշանածի և առևանգողի միջև ծագում էր թշնամություն:

3. Երբ աղջիկն ունենում էր իր սիրած տղան, բայց աղջկան սիրող մի այլ տղա առևանգում էր նրան:

4. Երբ աղջկան և տղային նշանում էին օրորոցային հասակում (բեշիկքյարթմա անում), բայց աղջիկը մեծանալուց հետո տղային չէր սիրում և փախչում էր իր սիրած մի այլ երիտասարդի հետ: Այդ դեպքում նշանված տղան պետք է վրեժխնդիր լիներ փախցնողից, այլապես կանայք նրան ծաղրում էին, սակավ—ժեռ, մեք նինն (կին է, տղամարդ չի), լաճկա ծնա սաբետա (կնոջ լաչակը գլխին) և այլն:

5. Երբ ամուսինն առնականությունից զուրկ էր լինում, կինը փախչում էր մի այլ տղամարդու հետ: Ըստ սովորութային իրավունքի, երբ ամուսինը առնականությունից զուրկ էր լինում, նա կարող էր իր կնոջը մինչև 7 տարի պահել տանը, որից հետո եթե տղամարդու առնականությունը չէր վերականգնվում, կինն ազատ կարող էր վերադառնալ իր հոր տունը: Սակայն, երբ կինը 7 տարի առնականությունից զուրկ ամուսնու տանը չէր ուզում սպասել, փախչում էր իրեն սիրող մի այլ տղամարդու հետ, նոր ամուսնուց պետք է վրեժխնդիր լիներ նախկին ամուսինը:

6. Երբ աղջիկը սիրում էր մի այլ ցեղի պատկանող տղայի, բայց որպեսզի նա ննքնիմ խնրիրի (օտարություն չլնա), հակառակ նրա կամքին ամուսնացնում էին իրենց ցեղի տղաներից մեկի հետ: Այդպիսի դեպքերում մյուս ցեղի տղան պետք է վրեժխնդիր լիներ այդ բանի համար:

Այս սովորությունը հնում գոյություն է ունեցել բազմաթիվ ցեղերի մեջ, ինչպես օրինակ՝ հին Հունաստանի պելասգների մեջ:

տոհմը կամ ֆրատրիան իր սեփականությունը (աղջկա օժիտը, որ բավական շատ էր) չկորցնելու համար իր աղջկան բնությունամբ ամուսնացնում էր իր ցեղակից տղամարդկանցից մեկի հետ:

Ուրեմն, հակառակ քրդուհու ցանկության, նրան ամուսնաց ներս իր ցեղակից շիրաժ մարդու հետ, ատելություն էր առաջ բերում նրա մեջ ընդդեմ իր ցեղակիցների: Քրդուհին փախչում էր իր սիրած տղայի հետ: Կնոջ փախուստի հետևանքով ծագում էր թշնամություն:

Քրդերի մեջ գոյություն ունեցող առևանգման և վրիժառության մնացուկների մասին մինչև այժմ գրավոր տեղեկություններ չեն գտնվել. մեր ուսումնասիրությունը կատարել ենք անցյալում քրդերի մեջ գոյություն ունեցող սովորությունների և ֆոլկլորային նյութերի հիման վրա:

Հնագուրջան այս սովորության մնացուկները սովետական պայմաններում, տնտեսական և սոցիալական նոր հարաբերությունների հիման վրա քրդական կոլտնտեսային գյուղում հիմնականում վերացան: 1930 թվականից հետո իսպառ վերացել է ամուսնության բեշկիքյարթմա ձևը և այժմ աղջիկներն ամուսնանում են սովետական օրենքների հիման վրա, 16 տարին լրանալուց հետո՝ իրենց ցանկությամբ:

Քրդական նահապետական սովորություններից մեկն էլ, որ անմիջապես կապ ունի առևանգման հետ և մեծ նշանակություն ունի վրիժառության դրդապատճառները պարզաբանելու համար մալա խոյկընն (սպաստարանի) խնդիրն է:

Քրդուհուն առևանգողը 15—20 օր թաքնվում էր մալա խոյկըննում մի հարուստ և անվանի մարդու տանը, որպես ապահով տեղ, տան տիրոջ հովանու ներքո: Այդ հյուրընկալումը ոչ միայն սպաստարան էր առևանգողի համար իրեն հալածողներից խույս տալու համար, այլև այդտեղ տեղի էին ունենում հաշտության բանակցությունները:

Մալա խոյկըննում ոչ ոք իրավունք չունեք ձեռք բարձրացնել այդտեղ ապաստանվողների վրա: Տան տերը պատրաստ էր արջան գնով պաշտպանել իրենց մեկամեկ մալե (տան հյուրին), որովհետև մեկան մեկան խոզեյա (հյուրն աստծունն է):

Հյուրընկալության այս սովորությունը հնում տարածված է եղել տոհմային կյանքով ապրող համարյա աշխարհի բոլոր ժողովուրդների մեջ:

«Այս սովորությունը, —ասում է Օստրովիտյանովը,—եղել է նախնադարյան մարդկանց փոխադարձ օգնության տեսակներից

մեկը, սպառման առարկաներով ապահովելու գործում որոշ հավասարեցման մի տեսակը»<sup>1</sup>:

Թշնամության և վրիժառության աղբյուրներից մեկն էլ խանդն էր, որը սկզբնական շրջանում, ինչպես առևանգումը, առաջացել է մենամուսնության ժամանակ և բխում է սեփականատիրական զգացմունքից: Խանդը գոյություն ունի բոլոր ժողովուրդների մեջ, բայց նրա արտահայտության ձևերը կապված են տեղական սովորությունների հետ:

Հնում, քրդերի մեջ, եթե կնոջ անհավատարմության դեպքում ամուսինը նրան չէր սպանում, այլ բաժանվում էր նրանից, կինը պարտավոր էր սպասել, մինչև իր ամուսնու կրկին ամուսնությունը և հետո ինքը ամուսնանար:

Անձնական վիրավորանքն ու անպատվությունը ևս աղբյուր է հանդիսացել թշնամության և հետեպես վրիժառության:

Եթե մեկը վիրավորում էր մյուսի անձնական պատիվը, տուժողի առաջնահերթ գործն էր լուծել իր վրեժը: Այդ հարցում հատկապես մեծ տեղ էր տրվում կնոջ պատվին. օրինակ, մեծ տպավորություն էր թողնում կնոջ ոտաշոր փախցնելը: Վրիժառուն այդ անում էր իբրև ապացույց թշնամու կնոջ պատիվն արատավորելու և իր վրեժը լուծած լինելու համար: Եթե որևէ մեկը բռնաբարում էր իր թշնամու կնոջ, նրա նպատակը ոչ միայն իր անասնական կրքերին հագուրդ տալն էր, այլև վրեժն առնելու դիտավորությունը: Այդ նպատակով նա իր արածի մասին հայտնում էր իր շրջապատի մարդկանց, որպեսզի այդ լուրը տարածվեր և ընդհանրանար:

Երբ առազատի գիշերը պարզվում էր, որ նորահարսն անարատ չէ, այդ դեպքում փեսան ստիպում էր հարսին խոստովանել հանցանքը և շխտատվանելու դեպքում փեսան վրեժը լուծելու նպատակով տեղն ու տեղը սպանում էր նրան, կամ հետևյալ օրը հայտնում էր ժողովրդին, որ բուկն (հարսը) անամուս է, որից հետո ծեծում էին հարսին, նրա դեմքը մրտտում, հակառակ ձևով նստեցնում էշի վրա և վերադարձնում հոր տունը<sup>2</sup>:

<sup>1</sup> Կ. Վ. Օստրովիտյանով, Ակնարկներ մինչև-կապիտալիստական ֆորմացիաների էկոնոմիկայի մասին, Նրևան, 1948, էջ 24:

<sup>2</sup> Առազատի առաջին գիշերը փեսայի կողմի երկու տարեց կին կանգնում էին նորապսակների սենյակի կամ վրանի առաջ իբրև պահակ՝ չար ոգիների բշխու և հարսի անարատությունը ստուգելու նպատակով:

Ընդհանրապես, ինչպես քուրդ տղամարդը, նույնպես քրդ-  
 դուհին վրիժառու է եղել: Մարդասպանության դեպքում, եթե վրեժ  
 լուծողն անմիջապես ինքը կինը չէր, նա պահանջում էր, որ իր  
 ամուսինը լուծի իր վրեժը. հանգիստ չէր տալիս ամուսնուն և  
 մյուս մտախի մարդկանց, ծաղրում էր այն տղամարդուն, որը  
 վախենում էր թշնամուց. դրա համար կինն ասում էր իր վախ-  
 կոտ ամուսնուն. տու մեր նիճի, լե ժրնի (դու տղամարդ չես,  
 այլ կին): Ազգականներից մեկն ու մեկի սպանություն դեպքում,  
 քրդուհին աշխատում էր նրա վրեժը լուծել: Ակնարկելով տղա-  
 մարդուն, նա ասում է. չր ազ չր տու, խունա մայակա, զարակամ  
 հայիե երլիմն (ինչ ես, ինչ դու, մեր արյունը մեկ է, մենք պեսք  
 է վրեժ լուծենք):

Վրիժառուության շուրջը քրդերի մեջ հյուսվել են բազմաթիվ ժո-  
 դովրդական վեպեր և վիպերգեր:

Քրդական «Մամե Ծանկե» ավանդական վեպի մեջ դավաճա-  
 նությունը սպանված հերոսի կինը լուծում է ողբերգական մահով  
 մեռած իր ամուսնու վրեժը շարանենդ թշնամուց, խմում է նրա  
 արյունը և հրամայում ողջ-ողջ թաղել նրան:

«Բրինդարմ» (վիրավոր եմ) երգի մեջ քրդուհին վրիժառու է  
 իր որդուն սպանող թշուրք պաշտոնյայի հանդեպ. նա ծաղրելով  
 վախկոտ ամուսնուն, պատրաստակամություն է հայտնում սպան-  
 ված որդու վրեժն իր ձեռքով լուծելու: Նա երգում է՝

Վա՛յ, վա՛յ, տասն անգամ կուրանամ,  
 Այսօր կռիվ է պատահել Աբաղա դաշտում,  
 Մեր գյուղի վրայից գնդակներ են սուլում:  
 Աստված սպանի թշնամու սրբուն,  
 Նա գնդակով սպանեց իմ որդուն՝  
 Յավը մնաց իմ սրտում:  
 Վա՛յ, վա՛յ, տասն անգամ կուրանամ,  
 Մի հրացան տվեք ձեռքս,  
 Առավոտից մինչև իրիկուն  
 Կռվեմ և լուծեմ դադոյիս վրեժը<sup>1</sup>:

Վրիժառույթունը երբեմն էլ արտահայտվել է անեծքի և բողոք-  
 րի ձևով: Մնտոխապաշտ, բայց արնակից շունեցող և տնտեսապես

<sup>1</sup> Ասաց Ապարանի շրջանի Արադյազ գյուղի բնակիչ, այժմ հանդուցյալ, Ահմե Զուրն 1940 թվականին:

քայքայված քուրդը հաճախ չէր կարող իր վրեժը լուծել թշնա-  
 մուց. այդ պատճառով նա խնդրում էր աստվածներին, որ նրանք  
 պատժեն իր թշնամուն: Դա մեծ մասամբ արտահայտվում էր քրդ-  
 դուհու անեծքով իր թշնամու նկատմամբ. նա ասում էր. յա եզդի,  
 խողե, տու բալակե դրժմրնե մրնեա բինի (յա եզդի, խողե, դուք  
 պատժեցեք իմ թշնամուն): Նա չէր խնայում՝ նույնիսկ իր ծնող-  
 ներին, եթե նրանք իրեն ծախում էին որևէ հարուստ ծերունու:

Քրդուհու արտահայտած բողոքն ընդդեմ իր անողոք ծնող-  
 ների, կարելի է գտնել «Ամինա Հասո» երգի մեջ, որտեղ աղջիկը  
 դառնությունից լցված ծնողների հանդեպ, որոնք մեծ գլխագին  
 ստանալու համար՝ առանց նրա կամքը հաշվի առնելու, տվել են  
 «Ազայե կալի Բոլոզ գյանի» (հոտած քուրդ ունեցող աղային):

Ահա այդ երգից մի բանի տող.

Այս սիրահարված Ամինա եմ, սիրով տարված,  
 Աղամի՛ աղջիկները ծիծաղեցին բախտիս վրա,  
 Թող աստված անիժի հորս ու մորս,  
 Ինձ չտվին սիրած Ահմադիս,  
 Այլ տվին հոտած քուրդավոր ծերուկ աղային<sup>2</sup>:

Ինչպես տեսնում ենք, վիրավորված քրդուհին գիտակցում  
 է, որ ինքն իր ծնողների համար դարձել է վաճառքի առարկա.  
 հակառակ իր մարդկային զգացմունքների, նա ծախվել է հարուստ  
 ծերուկին: Սա վրեժով լի քուրդ կնոջ անեծքն է, իր շրջապատի  
 անարդարություն դեմ:

Երբեմն քրդուհին ինքն էր իր համար ուղի գտնում այդ անար-  
 դարությունից դուրս գալու: Նա փախչում էր իր սիրած երի-  
 տասարդի հետ կամ ինքնասպանությունը վերջ տալիս իր կյան-  
 քին:

Քրդերի մեջ վրեժը լուծելու համար ժամանակի տևողությունն  
 էական նշանակություն չուներ: Այս սովորությունը տեսնում ենք  
 նաև կորսիկացիների, իրոկեզների, օսերի և բազմաթիվ այլ ցե-  
 ղերի և ժողովուրդների մեջ: Թշնամությունը կարող էր անցնել  
 սերնդից սերունդ, մինչև նրա լիակատար լուծումը:

Ղուկաս վ. Ինձիճյանը քրդերի թշնամություն մասին գրել է.

<sup>1</sup> Աղամի աղջիկները, Աղամից սերված աղջիկները:  
<sup>2</sup> Ասել է Ապարանի շրջանի Արադյազ գյուղի բնակիչ Ա. Զուրն, գրի է  
 առնվել 1939 թվականին:

«Սորա որպէս և այլ քուրդը եթէ սպանիցեն քո»  
հարկի սպանանին ուր ի նոյն ցեղէ, թէև անցին 100 ամբ»<sup>1</sup>:

Քրդերը տոհմերով կամ ցեղերով կազմում էին աշիրաթներ. յուրարանչուր աշիրաթի գլխին կանգնած էր իր ավագ աղան: Աշիրաթները մարդկանց թվով հավասար չէին. կային աշիրաթներ, որոնց մեջ հաշվվում էր երեք հազար ծխից ավելի<sup>2</sup>:

Անդրկովկասում Հոկտեմբերյան Սոցիալիստական Մեծ ռևոլյուցիայից առաջ կային քրդական բազմաթիվ ցեղեր, որոնք շատ րունակ ընդհարման մեջ էին միմյանց հետ. սրանք ապրում էին քոչվորական կյանքով, զբաղվում էին մասամբ նաև երկրագործութեամբ, փոքր շափով էլ տնայնագործութեամբ:

Քրդերի դրութիւնն առանձնապես վատթար էր Սուլթանական Թյուրքիայում:

Սուլթանական Թյուրքիայի կառավարութիւնը քրդերի մեջ ազատագրական պայքարը թուլացնելու նպատակով և նրանց միմյանց դեմ լարելու համար ոչ մի միջոց չէր խնայում:

Թյուրքիայում Սուլթան Համիդը քրդերի մեջ այնպիսի դրութիւն էր ստեղծել, որ մինչև անգամ հարազատ եղբայրները «հրացանի լուկեն» իրարից չէին հեռացնում: Այդ մասին է «Քլամա Սուլթան Համիդ»-ը (Սուլթան Համիդի երգը), որի մեջ քուրդ ժողովուրդն իր դայրույթն է արտահայտում Սուլթան Համիդի դեմ:

Ահա այդ երգից մի քանի տող.

Մի կռիվ է պատահել հլաթից վերև:  
Թող քանդվի Սուլթան Համիդի տունը,  
Նա լարեց իրար դեմ աշիրաթներին:  
Մի կողմից թալան, սպանութիւն,  
Մի եղբայրը մյուս եղբոր դեմից  
Թվանքի լուկեն չի հեռացնում<sup>3</sup>:

Քրդական ցեղապետներն իրենց ցեղի ներքին գործերում կատարչալ միահեծան իշխանավորներ էին. նրանք կարող էին պատժել հանցագործին, ծեծել, ցեղի միջից հեռացնել և նույնիսկ

<sup>1</sup> Ի ն ճ ի ճ յ ա ն, Աշխարհադրութիւն շորից մասանց աշխարհի, մասն երկրորդ, Վենետիկ, 1806, էջ 202:

<sup>2</sup> Известия штаба Кавказского военного округа, Тифлис, 1907, стр. 4.

<sup>3</sup> Ասել է Աշտարակի շրջանի Չաթղուան գյուղի բնակիչ Օթարե Շասոն, գրի է առնվել 1946 թ.:

սպանել՝ առանց երկյուղի, որ կարող են պետութեան կողմից պատասխանատվութեան ենթարկվել:

Քուրդ ցեղապետների թելադրանքով քրդերը երբեմն ընդհարումներից հետո, առանց դատ ու դատաստանի, վճիռներ ու հաշտութիւն էին կայացնում իրար մեջ:

«Մեր վարչութիւնը (ցարական կառավարութիւնը),—ասում է պրոֆ. Ա. Եղիազարյանը,—նախկինում հազվագյուտ դեպքերում էր խառնվում եզդիների ներքին կարգ ու կանոններին: Մինչև նրանց քրեական գործերի դատարան հասնելը, հաճախ դրանք վերջանում էին հաշտութեամբ»<sup>1</sup>:

Քուրդ ցեղապետներն իրենց «ցեղակիցներից» ստանում էին մի շարք եկամտուներ. բացի այդ, պետութեան կողմից նշանակված հարկերի մի մասը նրանք էին յուրացնում:

Հաճախ էր պատահում, երբ քրդերը տեսնում էին, որ իրենց ցեղապետը պաշտպանում է հակառակորդ ցեղի աղայի՝ ցեղապետի շահերը, կաշառված է նրանց կողմից, կամ իր ցեղի սպանված անդամի վրեժն առնելու համար թշնամական հարաբերութիւնների մեջ չի մտնում թշնամի ցեղի հետ: Այս դեպքում ցեղի վրիժառու անդամները թշնամական դիրք էին բռնում իրենց ցեղապետի նկատմամբ և առաջին հերթին վրեժ լուծում նրանից:

Այսպիսով, խորանում էր ներցեղային պայքարը, որը հետզհետե ցեղի վերնախավը բաժանում էր նրա աշխատավոր մասսայից:

Քրդական հասարակական կյանքում արյան վրիժառութեան հողի վրա դարեր շարունակ քայքայվում էին բազմաթիվ ընտանիքներ: Քուրդ աշխատավորութիւնը կրում էր տնտեսական և բարոյական բազմաթիվ վնասներ, ավերածութիւն և անարդանք: Յեղամիջյան կռիվներում ամենից առաջ տուժում էին չբավոր քրդերը և շահում ցեղապետներն ու աղաները:

### 3. Վրիժառույթունը դաստաբակուրյամբ

Քրդական հին սովորութիւններից մեկն էլ եղբայրանալով (դաստաբրակութեամբ)<sup>2</sup> վրեժ առնելն էր:

<sup>1</sup> А. Егизаров, Внутреннее управление наших езидов до реформы 60—х гг. Записки кавказского отдела Императорского русского геогр. общества. КН. XIII. вып. 2, Тифлис, 1891, стр. 202.

<sup>2</sup> Դաստաբրակ—բարդ բառ է, բաղկացած է դաստ (ձեռք) և բրա (եղբայր) բառերից, որ նշանակում է ձեռքի եղբայր, առել է թե եղբայրակից արյան եղբայր կամ հայոց զավառաբարբառներում «ողջում ախպեր»:

նորայրացողներն, իբրև պարտականություն պետք է իրենց վրեժը լուծելին թշնամուց, որովհետև ըստ սովորության, եղբայրանալուց կամ բույր ու եղբայր դառնալուց հետո նրանք համարվում էին միևնույն ծնողների զավակներ:

Ուստի նրանք իսկական եղբոր բոլոր պարտավորությունները պետք է կատարեին:

Այս սովորությունը գոյություն է ունեցել հնադարյան բազմաթիվ ցեղերի և ժողովուրդների, այդ թվում նաև սլավոնական ժողովուրդների մեջ, որպես նրանց սովորութային իրավունքի հիմքերից մեկը: Ռուսների побра́тмство-ն կազմված էր երկու կամ ավելի անձնավորությունների, մի կամ երկու սեռից, փոխադարձ սիրո հիման վրա:

Սլավոնական побра́тмство-ն գերմանական die Verbräderung հայկական «եղբայրակցություն» կամ «ողջում ախպեր», քրդական դաստաբրակի կամ խուշկու բրառի (բույր և եղբայր) հնադարյան տոհմական սովորությունն է, որի մնացուկներն այժմ վերացել են Սովետական Միության մեջ ապրող քրդերի միջև:

Հերոդոտի վկայությամբ, 5-րդ դարում (մ. թ. ա.) Սև ծովի հյուսիսային ափերին ապրող սկյութացիների մեջ նույնպես գոյություն է ունեցել «եղբայրակցություն» և եղբայրակցությամբ արյան վրիժառույթյուն:

«Սկյութացիների մեջ,— ասում է Բազիլևիչը,— գոյություն ունեւ արյան վրիժառույթյունը, որը խիստ բնորոշ է պատրիարխալ տոհմային կարգերի աստիճանում ապրող հասարակության համար: Նույնպիսի նշանակություն ունեւ նաև «եղբայրանալու» արարողությունը. այն երկու հոգին, որոնք որոշել էին «եղբայրներ» դառնալ, կտրում էին իրենց ձեռքի երակը, մի թասի մեջ խառնում էին իրենց արյունը գինու հետ և խմում էին»<sup>1</sup>:

Դաստաբրակները պարտավոր էին միմյանց նկատմամբ լինել հավատարիմ, նվիրված, մաքուր բարք ունենալ, միմյանցից անբաժան լինել, միմյանց հանդեպ հարգանք ունենալ և, որ գլխավորն է, փոխադարձաբար միմյանց օգնել:

Քրդերի մեջ դաստաբրակությունը ամրացվում էր մեկը մյուսից արյուն խմելու, զենքերը փոխանակելու և զանազան սիմվոլիկ այլ միջոցներով:

Միմյանց արյուն խմելը, ընդհանրապես նշանակում է արյունակից դառնալ կամ անդամագրվել տոհմին, ցեղին:

Այս ծիսակատարությունը սկզբնական շրջանում ունեցել է ֆիզիոլոգիական նշանակություն այն իմաստով, որ արյուն աննշլով մեկից և խմելով՝ տոհմագրված էր համարվում այդ տոհմին, իսկ հետագայում սրբագործվել է կրոնական արարողությամբ, բնապաշտական կուլտով, ուստի ոչ մի կապ չունի քրիստոնեական, զրադաշտական կամ մահմեդական ու այլ կրոնների ծեսերի հետ:

Քրդերի մեջ արգելվում էր դաստաբրակությամբ, «բույր և եղբայր» դարձածների մեջ ամուսնական կապեր ունենալը:

Ինչպես ուրիշ ժողովուրդների, այնպես էլ քրդական կյանքում մենք տեսնում ենք կրոնի ազդեցությունը դաստաբրակության ամրացման վրա: Մուսուլման քրդերի մեջ դաստաբրակությունն ամրացնելու համար մուլան կատարում էր որոշ աղոթքներ. դա դեռ քիչ էր, պետք էր տալ նաև խրատ՝ նրանց ամենօրյա բարքերի և հավատարմության համար:

Այդ ծիսակատարությունից հետո դաստաբրակներն արդեն պարտավոր էին լինել անխարդախ, իրենց դաստաբրակության պարտականությունները, այդ թվում նաև արյան վրեժխնդրությունը կատարել անպայմանորեն:

Ապացուցելու համար դաստաբրակությամբ վրիժառույթյան առկայությունն անցյալում քրդերի մեջ, կարելի է բերել նաև ազգադրական, ֆուլկուրային բազմաթիվ նյութեր, որոնց մեջ գրեթե բացակա է վրեժ լուծելու հանգամանքը:

Այս ստեղծագործությունների մեջ գտնում ենք նաև դասակարգային պայքար (երբեմն վրիժառույթյամբ արտահայտված), միմյանց հանդեպ մարդկանց տաժած սերն ու ատելությունը, քաջագործությունն ու վախկոտությունը, ազնվությունն ու խարդախությունը, բարի ցանկությունն ու նախանձը, նախապաշարմունքը, բուրդ ժողովրդի փիլիսոփայական խոհերը:

Այդ նյութերից աչքի են ընկնում «Մամե ու Զինե» պոեմը, «Համզե փահլեան» (հսկա Համզան), «Բզգո» (վախկոտ) հեքիաթները և ֆուլկուրային գեղեցիկ այլ գոհարներ:

Դաստաբրակությունը ցայտուն կերպով արտահայտված է «Մամե և Զինե» սիրային պոեմում:

<sup>1</sup> Պրոֆ. Կ. Վ. Բազիլևիչ, ՍՍՄՄ պատմություն, Երևան, 1946, էջ 38:

Պոեմի հերոս՝ Մամե Ալան, Զինեի սիրով տարված, ճանապարհ է ընկնում ղեպի Զդարա Բոտա երկիրը: Ծանապարհին հանդիպում է Զգիրի հերոս (Զինեի տեգր) Ղարաթաժղինին, որը հեծած նժույգ ձին հետևում է մի նապաստակի, նապաստակը չի բռնվում: Մամեն Ղարաթաժղինին օգնելու մտադրությամբ, առանց նրա հետ ծանոթանալու հետևում է նապաստակին, բռնում և հանձնում որսորդին:

Զգիրի բնակիչների սովորության համաձայն, ոչ ոք իրավունք չունի մշուսի որսին հետևելու. դա մեծ վիրավորանք էր համարվում որսորդի համար: Այդ պատճառով հերոսները կռվում են: Մամեն խփում և ձիուց վայր է դցում Ղարաթաժղինին: Հետո հաշտվում և դառնում են դաստաբրակներ: Ղարաթաժղինը խոսք է տալիս նեղ օրերին օգնել դաստաբրակ եղբորը: Հետագայում, Ղարաթաժղինն օգնում է դաստաբրակ Մամեին և մինչև վերջ հավատարիմ է մնում նրան: Նույն պոեմի հերոսուհիներից մեկը՝ Ղարաթաժղինի կին Փարի-խաթունը Մամեին հյուրընկալելու ժամանակ խուշկուրբատի է հաստատում նրա հետ և հավատարիմ է մնում: Այդ տեսակետից հետաքրքիր է «Համզե փահլան» (հսկա համզա) հեքիաթը, որի հերոսներից մեկը՝ Անթարը դաստաբրակություն է հաստատում ոչ միայն հսկա Համզայի հետ, այլ մինչև վերջը հավատարիմ է մնում նրան և նրա հետ միասին վրեժ լուծում ղեկերից:

Այսպիսով, բոլոր քրդերի մեջ արչան վրիժառույթունը կատարվում էր նաև դաստաբրակությամբ: Դաստաբրակությամբ բրաները (եղբայրները) կամ խուշկերը (քույրերը), ըստ սովորության, միմյանց օգնելու, իրենց թշնամուց վրեժ լուծելու, պաշտպանվելու և այլ պարտականություններ կատարելու գործում ունեին համարյա նույն զգացմունքները, ինչ կարող էին ունենալ հարազատ եղբայրներն ու քույրերը:

4. Վրիժառույթյան արտահայտությունը քրդական խաղերի մեջ

Վրիժառույթյան ոգու արտահայտությունը գտնում ենք որմլիստնի (նիզակախաղ), հարսանեկան ջրիտախաղ՝ ռոմանի, մանկական բրնի (կտրել) և այլ խաղերի ու պարերի մեջ:

Այս խաղերի մեջ վրիժառույթունն արտահայտվում էր երկու ձևով, առաջին՝ երբ վրիժառույթյան նպատակով մեկը վնասում էր օխոյանին, երկրորդ՝ երբ խաղացողները թշնամական ոչ մի միտում չունեին միմյանց հանդեպ:

Ռըմլիստն խաղի ժամանակ մոտ 20 ձիավորներ բաժանվում էին երկու մասի: Զիավորների երկու խմբերը նշանակված հրապարակի մի ծայրում կանգնում էին կողք-կողքի: Սարքարի (հրամանատարի) կարգադրությունից՝ մեկ, երկու, երեք ասելուց հետո, մի խումբ ձիավորներ, քույրները թեք դրած՝ փախչում էին. մյուս խումբը հետևում էր նրանց, նիզակներով հարվածում փախչողների քույրներին և ընդհակառակը: Երկու խաղերի ժամանակ սարքարը հաշվում էր ընկած քույրների քանակը. երկու խմբերից որի անդամների ընկած քույրների քանակը շատ էր լինում, նա հաղթված էր համարվում:

Այս խաղի ժամանակ եթե երկու կողմերն իսկապես թշնամիներ էին, խաղի միջի հալածողները դիտավորյալ կերպով հանում էին նիզակի ծայրին փաթաթած շորեղեն կտորը, կամ թուլացնում այն, որպեսզի ձիարշավի ժամանակ, ճանապարհին կտորն ինքն իրեն վայր ընկնի և ապա վրիժառույթյան հողի վրա խփում էր թշնամուն, վիրավորում կամ սպանում նրան: Սա արդեն վրիժառույթյան ռեալ ձևերից մեկն էր խարդախ ճանապարհով: Այս խաղի մեջ վրիժառույթյան ոգին արտահայտվում էր նաև հետևյալ ձևով. երբ հաղթվածները գտնվում էին հալածողների դերում՝ նախքան հալածվողներին հետևելը, նրանք իրենց նիզակները միասին երեք անգամ բարձրացնում և ձիերի աջ կողքին վայր էին իջեցնում, նորից բարձրացնում. դա նշանակում էր, որ պետք է նիզակով երեք անգամ խփել թշնամուն՝ վրեժն առնելու նպատակով, որովհետև նիզակ իջեցնելու և բարձրացնելու ժամանակ հալածողները կրկնում էին կա՛յֆ (վրեժ) բառը:

Քրդական խաղանիզակները շատ քիչ բանով էին տարբերվում ռազմական իսկական նիզակներից. տարբերությունը միայն այն էր, որ իսկական նիզակների ծայրերին ամրացնում էին երկաթե, իսկ խաղանիզակներին՝ եղեգից կամ փայտից շինված ծայրի վրա շոր փաթաթում: Ընդհանրապես այդ երկու տիպի նիզակներն էլ ա՛հ ու սարսափ էին ազդում մարդկանց վրա:

Ահա թե ինչ է գրում գերմանացի Կարլ Կոխը քրդական մի խումբ նիզակավորների մասին, որոնց նա տեսել էր Էրզրումից Կարս և Անի կատարած իր ճանապարհորդության ժամանակ.

«Որք մենք գալմակամի մոտ էինք, — ասում է նա, — բազում տեսանք փայլուն և խիստ տարօրինակ շորերով բազ-

94

1 Պոյոզը թեք ղեկը արիության, հպարտության նշան էր համարվում: 270-10

մաթիւ վրիժառու բուրգ հեծյալներէ: Նրանք ունեին լավ ձիեր և ամբողջովին զինված էին: Բացի մյուս զենքերից նրանք կրում էին նաև նիզակներ՝ 12 սանաչափ երկարութեամբ և ձիու մազերից մի սև փունջ ծայրերից կախված<sup>1</sup>:

Հարսանեկան ուրախութեան ժամանակ նիզակներով և թրերով զինված երկու խումբ ձիավորներ մտնում էին ջրիտախաղի մեջ՝ բալզիե բուկե (հարսի բարձ) փախցնելու համար<sup>2</sup>:

Ջրիտախաղի ժամանակ բալզիե բուկե փախցնելը պատրիարխատի շրջանի վերապրուկն է և ցույց է տալիս քրդերի մեջ գոյութիւն ունեցող առևանգման երևույթները:

Նորորդը՝ մանկական «բբո»<sup>3</sup> կոչված խաղն է, որի մեջ վրիժառուները արտահայտութիւնն է գտել:

Այս խաղը սկսվում է այսպես. մի քանի տղաներ՝ 12—20 հոգի, բաժանվում են երկու խմբի և խաղի հրապարակում իրենց տեղերը գրավում: Հրապարակի մեջտեղ մի քար են տնկում և քարի շուրջը 10 մետր հեռավորութեան վրա կլոր դիժ են քաշում: Տղաների մի խումբ մտնում է գծից ներս. այդ խմբից մեկը, որպես պաշտպան կանգնում է քարի կողքին, իսկ մյուս խումբը կանգնում է գծից դուրս: Դրսինները ներս են մտնում և ուզում են ոտքով խփել քարին, ներսինները հասնում են դրսիններին և աջ ձեռքով խփում հարձակվողներին. խփելու դեպքում դրսինը ասպարեզից դուրս է գալիս: Քարին խփելու դեպքում ներսինները հաղթված են համարվում և գծից դուրս են գալիս ու բացականում,— հալֆ (վրեժ), իսկ եթե ներսինները մինչև վերջ քարը պաշտպանեն և հերթով խփեն իրենց սահմանը մտնողներին ու շարքից հանեն նրանց, հաղթող են համարվում:

1 K. Koch. Die Kaukasischer Länder und Armenien, Leipsig, 1855, p. 203:

2 Բալզիե բուկե (հարսի բարձ): Ըստ սովորութեան, հարսանքի վերջին օրը միայն հարսին հանդիսավոր ջրիտախաղով տանում էին փեսայի տունը, իսկ նախքան նրան տուն տանելը, դաշտ էին տանում ման ածելու համար:

3 Դաշտում սկսվում էր ջրիտախաղը: Բալզիե բուկեն դրսվում էր ջրիտավորներից մեկի ձեռքում, որն առջևից ընկած, փախչում էր դեպի փեսայի տունը: Մյուսները հետևում էին նրան՝ բարձը խելու նպատակով: Վերջինները խաղնիզակներով և թրերի մեջքով խփում էին փախցնողին, իսկ երբեմն վրիժառութեան միտումով սպանում նրան:

Բալզիե բուկեն փեսայի տուն հասցնողը նրա ծնողներից ստանում էր նվերներ:

3 Բըռ—այս խաղը խաղում են միմիայն տղաները:

Քարը պաշտպանող խմբի երիտասարդները իրավունք ունեն բուռնցքով խփել հարձակվողներին:

Նրբ խմբերից մեկը տարվում է խաղի մեջ, մյուս խմբի անդամներն ասում են դանիկ ան հայֆա խո նլինն (մենք պետք է վրեժ լուծենք):

Չորրորդը՝ հարսանեկան ոտմանի պարն է: Այնթաբի շրջանի եղբիների մեջ, հարսանեկան ուրախութեան ժամանակ, 10—15 տղամարդիկ շուրջպարի ձևով շարվում էին, աջ ձեռքով բռնած՝ մերկացրած սրերը բարձր պահած սկսում էին պարել: Դեռ-զուռնալիները նվագում էին ոտմանի պարեղանակը: Պարը սկսվում էր շատ դանդաղ և հետզհետե արագանում:

Պարողները, պարելու ժամանակ երկու քայլ առաջ էին գցում և ապա ետ գալիս: Կրկին աջ ոտքն առաջ տանելով, բարձրացնում թրերը, ետ գալու միջոցին թրերը պտտեցնում օդի մեջ և սուր ծայրերը խփում դետնին ու արագութեամբ բարձրացնում վերև: Դա նշանակում է խփել և թոցնել թշնամու գլուխը՝ վրեժ լուծելու նպատակով:

Հարսանեկան այս պարն իր բովանդակութեամբ նման է ռազմական ողմիստն խաղին:

1946 թ. օգոստոս ամսվա ընթացքում Թալինի շրջանի քրդաբնակ գյուղերում կատարած էքսպեդիցիոն աշխատանքների ժամանակ ինձ հաջողվեց զրի առնել վրիժառութեան վերաբերյալ էթնոգրաֆիկ և ֆոլկլորային բազմաթիվ նյութեր, այդ թվում պարեր և խաղեր, որոնց մեջ նույնպես ցայտուն կերպով արտահայտված է վրիժառութեան ոգին:

Այս տիպի պարերն ու խաղերը տոհմական հասարակութեան ծնունդ են:

Խաղերի ու պարերի մեջ գոյութիւն ունեցող վրիժառութեան ոգու դրսևորումից պետք է կուսակ խմբակցական, ցեղային ապրելակերպը:

Այս փաստերը ցույց են տալիս, որ տոհմական հասարակութեան օրով վրեժն առնվել է ոչ միայն անհատի, այլ մի ամբողջ խմբի, ցեղի կողմից:

5. Խունդայն

Խունդայնը արյան գնի փոխհատուցումն է, փրկանքը: Ընդհանրապես, ինքնակամ վրիժառուները թեև հետապնդվում էր և պետական օրենքներով պատժվում, բայց հին կարգ-

րում, ինչպես Անդրկովկասում, այնպես էլ Քյուրքիայում ու Պարսկաստանում ինքնակամ ցեղամիջյան վրիժառուլթյան և ինքնադատաստանի առաջն առնելու անզոր էին նույնիսկ սահմանված պատժական օրենքները, իսկ Քյուրքիայում և Իրանում այդ օրենքները հաճախ օրինականացնում էին արյան վրեժը, օրինակ՝ Մահմեդ Բ-ի և Սուլեյման Ա-ի կանոնների մեջ եղած պատժական նմուշները ցույց են տալիս, թե ինչ աստիճան խստովյամբ էին պատժվում այնտեղ հանցանքները:

«Մահմեդի կանոններով օրինականացված էր արյան վրեժը, — ասում է Լեոն: — Արյան գինը որոշվում էր այսպես. 3.000 ասպըր սպանության համար, 1500 ասպըր մի կտրացած աչքի համար, 30 ասպըր դլսի վերքի համար: Սուլեյմանի կանոնագրքով մահմեդական տղա կամ աղջիկ փախցնողը ներքինացվում էր, իսկ եթե նա երզվում էր, թե ինքն անմեղ է, մեղադրողը ենթարկվում էր մեկ ասպըր տուգանքի: Անասնամուրթյան մեջ բռնվածք ենթարկվում էր դատարանում խիստ հանդիմանության և մեկ ասպըր տուգանքի: Եթե իրար հետ կռվում էին ազնվական կանայք, ասպըր ենթարկվում էին 20 ասպըր տուգանքի, իսկ եթե կռվողներն նրանք ենթարկվում էին 20 ասպըր տուգանքի, իսկ եթե կռվողներն հասարակ դասի կանայք էին, տուգանք սահմանվում էր 2 ասպըր: Մարզարեի արգելած գինու կամ ալլ խմիչքների յուրաքանչյուր բաժակի համար խմողից տուգանք՝ մեկ ասպըր: Զի, ջորի, կամ էջ գողանալու համար կտրվում էր գողի ձեռքը: Սարուկ գողանալու, խանութ կողոպտելու համար՝ կախաղան:

Գյուղի ամբողջ հասարակությունը պատասխանատու էր այն գողությունների և կողոպտանքների համար, որոնք կատարվում էին նույն գյուղի սահմաններում, և պարտավոր էր վարձատրել վնասվածներին»<sup>1</sup>:

Պատժական նման օրենքները նախկինում տեսնում ենք բազմաթիվ ժողովուրդների մեջ՝ Եվրոպայում և Ասիայում՝ Պարսկաստանում, օրինակ՝ 15-րդ դարում էլ, ուր բարբարոսական օրենքներն ավելի էին պահպանվել, դատարանը սպանողին հանձնում էր սպանվածի հարազատներին ինքնադատաստանի համար:

«Երբ սպանվում էր մեկը, նրա ժառանգները դիմում էին դատարանին և պահանջում էին արյան վրեժ: Եվ սպանողը, երբ ապացուցվում էր նրա հանցանքը, հանձնվում էր այդ ժառանգ-

ներին, որոնք իրավունք ունեին կամ ներել նրան, ստանալով սպանվածի արյան գինը կամ սպանել նրան ինչպես ուզում են: Ժառանգները հաճախ հրաժարվում էին դրամական հատուցումից, որպեսզի կարողանան սպանել ոճրագործին, նախապես ենթարկելով նրան դառն տանջանքների: Այդ սպանությանը մասնակցում էին սպանվածի նույնիսկ փոքրահասակ երեխաները»<sup>1</sup>:

Նախկինում Հայաստանում ապրող քրդական որոշ ցեղերի մեջ (Շիակա, Բայանդուրա, Ջալալիա) մի քանի հանցանքների համար փրկանք վերցնելն այնքան էլ պատվաբեր չէր համարվում, մանավանդ, երբ հարցը վերաբերում էր կնոջ պատվին: «Արյան փոխարեն պետք է արյուն թափել»<sup>2</sup>: Այսպես էր նրանց սովորությունը: Այդ նույն բանը գոյություն է ունեցել նաև բազմաթիվ այլ ժողովուրդների մեջ, օրինակ՝ Սկանդինավյան Տորչոնյի հերոսներից մեկն այսպես է պատասխանում իր որդուն սպանողին, որն ուրիշի միջոցով առաջարկում է նրա որդու արյան փոխարեն դրամ:

«Ես չեմ ուզում իմ դրամապանակի մեջ կրել իմ սպանված որդուն»<sup>3</sup>:

Այս խոսքերից պարզ երևում է, որ արյան փոխհատուցումը նյութականով, Սկանդինավիայում ամոթ է համարվել:

Չնայած այդ Գանգամանքին, այնուամենայնիվ խունդայնր մեծ դեր էր կատարում քրդերի կյանքում իբրև ցեղամիջյան փոխհարաբերությունները կարգավորելու միջոց:

«Տոհմական կարգերից պարտականություն էր բխում, — ասում է Էնգելսը, — ժառանգելու ինչպես հոր կամ ազգականների բարեկամական, այնպես նաև թշնամական հարաբերությունները. նմանապես և ժառանգվում էր վիրան (виря), այսինքն՝ սպանության կամ խեղելու համար արյան վրեժխնդրության փոխարեն վճարվող դրամական տուգանքը: Այս դրամական տուգանքը, որ դեռ միայն մի սերունդ առաջ սպեցիֆիկ գերմանական հաստատություն էր համարվում, այժմ ապացուցված է, որ գոյություն ունի

<sup>1</sup> Լեոն, Հայոց պատմություն, 3-րդ հատոր, Երևան, 1946, էջ 65-66  
<sup>2</sup> Տուժող կողմը երբեմն դժվար էր հաշտություն կայացնում թշնամի ցեղի կամ բնախնդի հետ որպեսզի ավելի մեծ փրկանք ստանար թշնամուց: Օրինակ՝ կնոջ պատվի արտապորոզը հաճախ ստիպված էր լինում սալ 25-ից մինչև 50 ոչխար իր փրկանք:  
<sup>3</sup> М. Ковалевский, Современный обычай и древний закон, Москва, 1886, стр. 56.

<sup>1</sup> Լեոն, Հայոց պատմություն, 3-րդ հատոր, Երևան, 1946, էջ 64-65

Հարցադրվողը ժողովուրդների մեջ իբրև տոհմական հասարակարգից բխող արյան վրեժխնդրության մի ընդհանրական մեղմացրած ձև<sup>1</sup>։

Ուրեմն, արյան վրեժի և նրա փրկանքի սովորությունը գոյություն է ունեցել ոչ միայն գերմանացիների, հույների, սլավոնների, այլև բազմաթիվ այլ ժողովուրդների կյանքում։

Եթե մարդասպանը կամ ծանր հանցանք կատարողը փախչում, անհետանում էր երկար ժամանակով, տուժողները կարող էին նրա ունեցվածքը գրավել։ Այդ նույն սովորությունը գոյություն է ունեցել կովկասյան օսերի մեջ. երբ մարդասպանը փախչում էր, վրեժառույն, եթե ցանկանում էր, կարող էր նրա ունեցվածքն իրեն վերցնել<sup>2</sup>։

Քրդական համարյա բոլոր ցեղերի մեջ, սպանությունից 3—4 ամիս հետո միայն կարելի էր հաշտություն կայացնել։ Հաշտությունը կատարվում էր հետևյալ պայմաններով։

Եթե վրեժառույնները լուծել էին իրենց սպանվածի վրեժը՝ սպանելով հակառակորդի ցեղից կամ ընտանիքից մեկն ու մեկին, արդեն վրեժը լուծված էին համարում, իսկ եթե մի ցեղի սպանվածների թիվը ավելի շատ էր, քան մյուսինը, պետք էր ավելի սպանվածների համար փրկանք վճարվեր։

Եթե փոխադարձ համաձայնությամբ առևանգված կնոջ արևակիցներին վճարվում էր փրկանք։

Արյան գինը որոշելու համար մեծ նշանակություն ուներ, թե սպանվածն ով է, անվանի մարդ է, թե՞ ոչ, ցեղապետ է, թե՞ ուսմիկ, որովհետև ցեղապետի, աղայի կամ բեկի արյան գինն ավելի շատ էր լինում, քան ուսմիկ քրդինը։ Եթե հանցագործության մեջ մեղադրվող անձը երգվում էր, որ ինքը չի կատարել հանցանքը, այդ դեպքում նա արդարացվում էր, որովհետև քրդերի հասկացողությունում սուտ երգում ուտողը զրկվում էր հանդերձյալ կյանքի արքայությունից։

Վրեժառույթյան խնդիրներն ինքնուրույն կերպով լուծում էր ցեղապետն իր դիվանով (ծերակույտով) միասին. թեև պետական օրգաններն այդ մասին իմանում էին, բայց գրեթե միշտ էլ անուշադիր էին թողնում այդ դեպքերը և ցեղապետին պատասխանատվության չէին կանչում։

<sup>1</sup> Ֆ. Էն գեյս, Ընտանիքի, մասնավոր սեփականության և պետության ծագումը, Երևան, 1948, էջ 184։

<sup>2</sup> М. Ковалевский. Современный обычай и древний закон, Москва, 1886, стр. 50.

Եթե եզրի քրդերից որեւէ մեկին մեղադրում էին հանցանքի մեջ, ապացուցելու համար, որ ինքը հանցագործ չէ, ծերակույտի ներկայությամբ նա վերցնում էր մերկացրած թուրը և առավոտյան շուտ դիմավորում արևի ծագումը։ Նա չոքում էր Շամսի առաջ և ապա երգվում էր, որ հանցագործն ինքը չէ, այլ նրան զրպարտել են թշնամությամբ և դիմելով Շամսին, ավելացնում՝ «Շամս, եթե այսինչ հանցագործությունը ես եմ արել, թող այս սուրը կտրի



Նկ. 1. Մի խումբ քրդուհիներ Թալինի շրջանի Թըլիկ գյուղից

վրդս, իսկ եթե ես չեմ արել, թող կտրի ինձ զրպարտողի վրդը»։

Սպանողը չէր կարող ազատվել սպանվածի ցեղակիցների հետապնդումից, եթե վերջիններն իրենց վրեժը դեռ չէին լուծել, որովհետև քրդերի հասկացողությամբ վրեժ չլուծողը ուն դրնե («այն աշխարհում») խիստ հալածանքի կենթարկվեր սպանվածի հոգու պաշտպան մըլիաֆախներին (պաշտպան ոգիների) կողմից։

Նյութապես վատթար պայմաններում գտնվող չքավոր մարդասպանը անուժ էր սպանվածի արյան գինը վճարել։ Հալածողներից ազատվելու համար նա դիմում էր այլ միջոցի։ Նա իր վրա էր վերցնում սպանվածի բոլոր մեղքերը։ Սակայն այդ կատարվում էր հատուկ ծեսով։

Մարդասպանն իր ցեղակիցներին ուղեկցութեամբ զնում էր սպանվածի տունը և խնդրում բարբախշինն (ներեւ) իրեն:

Սպանողն իր ցեղակիցների առաջն ընկած ներկայանում էր սպանվածի տիրոջը ոչ թէ իր սովորական շորերով, այլ սպիտակ կտավով կարած պատանքով, ձեռքերում պահած իր զենքերը, կանգնում էր սպանվածի տան շեմքին, խոնարհվում և եթե սպանվածի արնակիցները հաշտվում էին, քոլորը միասին զնում էին գերեզմանատուն: Այնտեղ հանցագործն իր զենքերը զնում էր սպանվածի գերեզմանի վրա, իսկ երեխա ունեցող մարդասպանն իր հետ տանում էր նաև իր երեխաներից մեկն ու մեկին: Նա գերեզմանի շուրջը յոթն անգամ պտույտ գալով շարունակ ասում էր. «Մընաու կուշաի, գունն տա սաուե մըն» (ես քեզ սպանեցի, մեղքդ վիզս), և ապա դառնում սպանվածի տերերին և ցույց տալով իր երեխային ասում էր՝ «Ես մեկին սպանեցի, դուք երկուսին սպանեցեք, ուզում եք սպանեցեք, ուզում եք ազատեցեք մեզ»<sup>1</sup>: Այստեղ հաշտութունն արդեն կայացած էր համարվում. երկու հակառակորդ կողմերը գերեզմանի վրա համբուրվում էին միմյանց հետ և վերադառնում սպանվածի տունը, որտեղ կատարվում էր հացկերույթ ու դրանով վերջանում էր թշնամութունը:

Իսկ եթե հաշտութուն չէր կայանում և վրիժառու քուրդը սպանելով հակառակորդին առնում էր իր ցեղակցի արյան վրեժը, նա զնում էր իր սպանված արենակցի գերեզմանի մոտ և կանչում. «Բըրա դըլե տա բահատ բա, մըն հայթա տա հլանի» (թող քո սիրտը հանգիստ լինի, վրեժդ լուծեցի): Այս կանչը քրդերի մեջ կոչվում է գազի:

Մաքսիմ Կովալևսկու վկայութեամբ, այս սովորութիւնը համարյա նույնութեամբ գոյութիւն է ունեցել հին օսերի մեջ: Նրա ասելով, օսն իր վրեժը լուծելուց հետո շտապում էր արնակցի գերեզմանի վրա և բարձր ձայնով տեղեկացնում նրան. «Գու կարող ես հանգիստ լինել, ես վրեժ լուծեցի քո սպանութեան համար»<sup>2</sup>:


<sup>1</sup> Յոթն անգամ գերեզմանի շուրջը պտույտ գալը հեթանոսական ժեսակատարութիւնների մնացուկ է, որ կապ ունի անիմիստական աշխարհահայեցողութեան հետ. այս սովորութեան հետքերը պահպանվել են նաև մահմեդական կրոնի մեջ. օրինակ՝ հաջիութեան բազմաթիվ ծիսակատարութիւններից ամենաէականը տավաֆն է, այսինքն քեաբեի շուրջը յոթն անգամ պտույտ գալը և «Սև քարը» համբուրելը:

<sup>2</sup> И. К о в а л е в с к и й, Современный обычай... т. II, стр. 9.

Քրդերի մեջ թշնամիներին հաշտեցնելու գործում մեծ դեր էին խաղում կանայք, մանավանդ պառավները, որոնք մեծ հարգանք էին վայելում ժողովրդի մեջ:

«Վախտա դբին պիւրադե, ոռ դասակնա» (երբ ասում են պառավ մայր, արեն է կանգնում) ասում է քրդական խորհմաստ առածը:

Մայրն իր վայելած հարգանքի շնորհիվ մեծ դեր է խաղում



Նկ. 2. Մի խումբ քրդեր Թալինի շրջանի Հակիո դուղեց

ոչ միայն հաշտութուն կայացնելու, այլ ցեղամիջյան և ներցեղային բազմաթիվ խնդիրները ծերակույտի հետ միասին լուծելու գործում:

Քրդերի մեջ գլխավորապես սրանք են հաշտութուն կայացնելու հիմնական միջոցները, որոնց գործադրման հետևանքով վերանում էին ցեղամիջյան և ներցեղային արյունահեղութիւնները:

\* \* \*

Սովետական Միութեան մեջ՝ կոլտնտեսային կարգերի օրով, տնտեսական և քաղաքական նոր պայմաններում հիմնական փոփոխութիւնների ենթարկվեց քրդերի կյանքն ու կենցաղը:

Քրդական նահապետական գյուղը, ավելի ճիշտ ասած՝ նախկին քոչվորների ձմեռանոցները անցել են պատմության գիրկը: Գյուղերը նոր տեսք են ստացել, նրանք վերականգնվել և դարձել են սոցիալիստական գյուղեր: Կառուցվեցին նոր տիպի լուսավոր բնակարաններ, դպրոցական շենքեր, գյուղական, կոլտնտեսասպին դրասենյակներ, անասուններ պահելու մեծ ու լուսավոր գոմեր և կոլտնտեսային ընդարձակ պահեստներ: Այդ գյուղերն ստեղծեցին իրենց սոցիալիստական կոլեկտիվ տնտեսությունը, վերացավ գյուղի հետամնացությունը: Գյուղական արտադրանքը մեքենայացվեց, գյուղն էլեկտրիֆիկացիայի ենթարկվեց: Այդ նոր կենցաղը, ինչպես նաև գյուղատնտեսական կատարելագործված գործիքները փոխեցին քուրդ գյուղացու հոգեբանությունը:

Սովետական պայմաններում քրդերի միջից վերացան հետամնացության պատկանող բազմաթիվ սովորություններ: Վերացավ նաև արշան վրիժառուցությունը, որպես բարբարոսության և կիսաբարբարոսության սովորույթի մնացորդ:

Սովետական կարգերի հաղթանակը մեր երկրում և սրա հետևանքով կոլեկտիվ շինարարությունը քրդական գյուղում մեկ ընդմիջտ վերացրեց աղանքի, բեզերի և կուլակների տիրապետությունը, որոնք անցյալում սեփականացնելով լավագույն հողամասերը, արոտավայրերը, ինչպես և ջուրը, շատ հաճախ առաջացնում էին ցեղամիջյան և ներցեղային սուր պայքար: Այդ պայքարը հաճախ հանգում էր մարդասպանության:

Վերացվեց վրիժառուցյան լամենահիմնական դրդապատճառներից մեկը՝ հողի և ջրի մասնավոր սեփականությունը:

Համայնական սեփականության պայմաններում վերացավ հոտերով անասուններ և այլ ինչք հափշտակելու ձգտումը:

Վերացվեց շահագործող դասակարգը, որն ստեղծված սովորությունները ծառայեցնում էր իր անձնական շահերին, հափշտակումներ կատարելով ուրիշ ցեղերից, իր ցեղի շունևոր մասսային օգտագործում էր իր հափշտակումները պաշտպանելու համար:

Սովետական կարգերում ստեղծվեց քրդական գիր ու գրականություն: Սովետական երկրում քրդերը ոտք դրին լուսավորության շեմքի վրա: Վերացվեց խավարամտությունը, որը վրիժառուցյան սովորության պահպանման հիմնական պատճառներից մեկն է հանդիսացել: Քրդական գյուղերում ստեղծված լուսավորության հիմնարկները՝ դպրոց, գյուղական ախումբ, գրադարան,

կինո և թատրոն, սովետական օրենքների հետ միասին արմատախիլ են արել դարավոր հետամնաց սովորությունները:

Սովետական Միության քրդաբնակ բոլոր վայրերում քուրդ երեխաները հնարավորություն ստացան հաճախել դպրոց, աճել և դաստիարակվել սոսալիստական արևի տակ:

Այժմ ստեղծվել է քուրդ ինտելիգենցիա, որը գյուղի պարտիական և կոմերտական կազմակերպությունների ղեկավարությամբ երկարատև և համառ պայքար է տանում քրդական հին, վնասակար սովորությունների, այդ թվում նաև վրիժառուցյան վերադարձների դեմ: Նոր սերունդը դաստիարակվում է կոմունիստական ոգով և ոչ միայն հեռու է կանգնած ավանդական սովորություններից, այլև պայքարում է նրանց դեմ:

Քուրդ աշխատավորները համատարած գրագետ են դարձել: Կոմունիստական դաստիարակություն ստանալով, նրանք թողել են իրենց խավարամիտ տրադիցիոն սովորությունները:

Բռնի ամուսնություն և զալանով աղջիկ տալու սովորության վերացումը քրդերի միջից, վերացրեց նաև այդ դրդապատճառից առաջ եկող վրիժառուցությունը: Քրդուհին, որ անցյալի դաժան պայմաններում գտնվում էր ստրկական վիճակի մեջ, տղամարդուն համահավասար իրավունքներ ստացավ:

Հասարակական նոր հարաբերությունները, սովետական սոցիալիստական կոլեկտիվ կյանքը վերացրին հին համայնքի, տոհմի հասկացությունը և նրա վրիժառուցյան ձևերը: Ահա այն հիմքերը, որոնց շնորհիվ սովետական կարգերում ապրող քրդերի միջից վերացան արշան վրիժառուցությունը, մարդասպանությունը, ամենօրյա կռիվները, անհատական և ցեղամիջյան կռիվները, որոնք, սակայն, գրեթե նույնությամբ մնում են սովետական երկրից դուրս ապրող քրդական բազմաթիվ ցեղերի մեջ:

Այժմ քուրդն ամեն մի ղեպքում, երբ ինքն իրեն տուժողի դերում է զգում, իբրև իրավահավասար սովետական քաղաքացի, դիմում է սովետական արդարադատության օրենքներին և ստանում լիակատար բավարարություն:

Այժմ սովետական պայծառ արևի տակ մեծացած քուրդ երիտասարդությունը վրեժով է լցվում իր Սովետական Հայրենիքի թշնամիների հանդեպ:

Այսպիսով վրիժառուցյան ոգին ու հասկացողությունը, ինչպես սովետական մյուս ժողովուրդների, այնպես էլ սովետական քուրդ ժողովրդի մեջ նոր որակ է ստացել: Այն բոլոր ժողովուրդ-

ների աշխատավորության նկատմամբ ինտերնացիոնալ բնույթ ստանալով, նրա մոտ վրիժառույթյունը դասակարգային պայքարի բնույթ է ընդունել, Սովետական Հայրենիքի թշնամուն ոչնչացնելու վրիժառույթյան է վերածվել, այնպիսի վրիժառույթյան, ինչպիսին Հայրենական Մեծ պատերազմի ժամանակ գերմանական ֆաշիստական հորդաներին ոչնչացնելու համար կոչ էր անում պարտիզաններին մեր հանձարեղ զորավար՝ ընկեր Ստալինը:

Հայրենական Մեծ պատերազմի օրերին, երբ գերմանա-ֆաշիստական հորդաները ներխուժեցին մեր սրբազան երկիրը, այդ քուրդ երիտասարդները զենք վեցրած գնացին մեր Հայրենիքի սխերիմ թշնամիների դեմ պայքարելու:

Այդ ժամանակ ընկեր Ստալինը ոգեշնչում և կոչ էր անում պարտիզան-պարտիզանուհիներին՝ «Անողբաբար վրեժ լուծել գերմանական զավթիչներից մեր կանանց ու երեխաների, մայրերի ու հայրերի, եղբայրների ու քույրերի արյան և արտասուքի համար: Բոլոր ուժերով օգնել Կարմիր Բանակին՝ հիտլերյան լիտի ստրկացնողների դեմ նրա մղած պայքարում»<sup>1</sup>:

Ոչ միայն պարտիզանները, այլև սովետական ողջ ժողովուրդը վրիժառու էր ֆաշիստների նկատմամբ:

Վրիժառույթյան ոգու արտահայտությունը ընդդեմ ֆաշիստների, գտնում ենք նաև քրդական սովետական բանահյուսության մեջ: Հայրենական Մեծ պատերազմի ժամանակ քուրդ կոլանտեսականը, դիմելով բանակ զնացող իր որդուն, ասում է.

Գնա, իմ որդի, գնա, քաջ կովիր,  
Հանուն մեր պատվի, մեր ընտանիքի,  
Գարշ ֆաշիստներին ջախջախիր, փշրիր,  
Եվ քեզ հերոսի անուն վաստակիր:  
Հայր Ստալինն է քեզ կովի կանչում,  
Դու էլ մարտիկ ես մեծ Ստալինի<sup>2</sup>:

1944—45 թթ. ֆաշիստական հորդաներին ջախջախելու ժամանակ քուրդ ժողովուրդը ոգեշնչվելով սովետական զինվորների հերոսական սխրագործություններով, անձնվիրությամբ հա-

<sup>1</sup> Ի. Ստալին, Սովետական Միության Հայրենական Մեծ պատերազմի մասին, Երևան, 1945, էջ 172:

<sup>2</sup> Հ. Ջնդի, Ստալինը քուրդ ժողովրդի ստեղծագործության մեջ, Սովետական գրականություն և արվեստ, Երևան, 1949, էջ 137:

նուն սովետական մեծ Հայրենիքի՝ հորինել է ֆաշիստների նկատմամբ վրեժով լի «Ստալինի զինվորներ ենք մենք» երգը:

Ստալինի զինվորներ ենք մենք, օ՛, ջանե ջան,  
Ստալինի զավակները՝ քաջ ու արժան,  
Ֆաշիստներին ջարդում ենք մենք, օ՛, ջանե ջան,  
Ձենք ու սրտով մենք իրարից միշտ անբաժան:

Գողի նման մեր հողը մտան ֆաշիստները,  
Աչքը տնկած մեր ոսկեհատ ցորեն հացին,  
Վրեժ ենք առնում, նա արնաթաթախ ետ է դառնում,  
Եվ սեակնած սրտով նստած՝ դառը կոծում:

Ստալինյան զինվոր ենք մենք, օ՛, ջանե ջան,  
Ստալինի զավակները՝ քաջ ու արժան,  
Ֆաշիստներից վրեժ լուծում, օ՛, ջանե ջան,  
Ձենքով, հողով մենք իրարից միշտ անբաժան<sup>1</sup>:

Քուրդ ժողովրդի սրտառուչ երգերից մեկը հորինել է քուրդ կոլանտեսական Նասիրի Չաթոն, քուրդ ժողովրդի ծոցից դուրս եկած, Ապարանի շրջանի Սանգյառ գյուղի բնակիչ, սովետական արևի տակ մեծացած նախկին ուսուցիչ և Հայրենական Մեծ պատերազմում Սովետական Միության հերոսի կոչման արժանացած Սիարանդով Սամանդի մասին: Այդ երգի մեջ ևս ֆաշիստների նկատմամբ արտահայտված է քուրդ ժողովրդի սովետական հայրենասիրության վրիժառույթյան ոգին:

Ահա այդ երգը.

Այո, գետերը լճացած էին արյամբ,  
Փռված էին դիերը գերմանական,  
Սիրելի Սամանդ նաև քո մասնակցությամբ,  
Հաղթեցին քաջ գնդերը սովետական:

Թշնամուց վրեժ առաք ձեր ումբերով,  
Կոտորեցիք ֆաշիստներին ճազար-հազար:

<sup>1</sup> Ասել է Մբազե Չաթոն, 47 տ., ապրում է Թբիլիսիում, գրել է ասորիկ 1944 թ. Թբիլիսիում:

Նրանք եկել էին ազրր-սրով<sup>1</sup>,  
Գուր քաջ հերոսներ, հաղթանակ տարաք:

Առողջ մնաս իգիթը մեր,  
Մեր հոգին լինի քեզ նվեր,  
Մեր աչքի լույսն ես առատ,  
Ազիր Սամազ, հոտավետ դու վարդ<sup>2</sup>:

Կան ժողովրդական բազմաթիվ այլ ստեղծագործություններ ևս նվիրված մեր առաջնորդներին, ֆաշիզմի դեմ մարտնչած Սովետական Բանակին, հերոսներին, դաշտային աշխատողներին, որոնցով քուրդ ժողովուրդն իր երախտագիտությունն է հայտնում ուս մեծ ժողովրդին, Սովետական Կառավարության, Լենինի—Ստալինի մեծ պարտիային և անձամբ մեծ առաջնորդ և քուրդ ժողովրդի մեծագույն բարեկամ ընկեր Ստալինին:

А. АВДАЛ

## ОБЫЧАЙ КРОВНОЙ МЕСТИ У КУРДОВ И ЛИКВИДАЦИЯ ЕГО ПЕРЕЖИТКОВ В УСЛОВИЯХ СОВЕТСКОЙ ВЛАСТИ

### Резюме

До установления Советской власти в Армении среди курдов широко бытовал обычай кровной мести, которая существовала не только между разными племенами, но и внутри племени, что являлось выражением классовых противоречий.

Вражда между эксплуататорами—начальниками племен—агами, беками, кулаками (далуманда) и трудящимися (курманджи) поразила кровную месть. Кровная месть у курдов была узаконена обычным правом и освящалась религиозными преданиями.

<sup>1</sup> Ազրր—կրակ:

<sup>2</sup> Պատմել է Արթուրի շրջանի Բարվանտարա գյուղի ընկիւն Նասիրե Զաթոն, 50 տ., գրի է առնվել 1945 թ. նույն շրջանի Ալագյազ գյուղում:

Для защиты от кровной мести у курдов существовал обычай убежища (малахойкырне).

С целью избежать кровопролития и всевозможных убытков, среди курдов существовал обычай примирения (баршти), по которому кровная месть заменялась откупом—деньгами или ценными предметами. Замена цены крови деньгами и другими предметами известна под названием хундаин (спасение).

В условиях Советской власти коренным образом изменились условия жизни и быта курдов. Переход к оседлой жизни, организация колхозов способствовали к невиданному хозяйственному и культурному росту курдов, уничтожению причин, порождающих кровную месть (браки по принуждению, классовое угнетение и эксплуатация труда, борьба за пастбища, воду, землю и скот и т. д.) исчезновению из быта курдов и обычая кровной мести.